

Rotary International
District 1910
RC Doboj



IZLOŽBA

radova djece i omladine sa smetnjama u razvoju

ORGANIZATOR

IZLOŽBE



Rotary Club
Haßfurt



Galerija Centra za kulturu i obrazovanje od 29.11.- 2.12. 2016.

DRAGO HANDANOVIĆ

Drago Handanović svojim umjetničkim djelima i radom postao je jedan od najznačajnijih umjetnika u likovnoj umjetnosti u Bosni i Hercegovini. Ovaj Hercegovac po rođenju, rođen je 11. aprila 1939. U Ostrošcu kod Konjica. U Derventi provodi djetinjstvo i mladost. Kao nastavnik Istorije umjetnosti, Nacrte geometrije i Perspektive radi u Doboju a kao predavač Keramičkog oblikovanja i Tehnologije u Sarajevu.

Jedan je od osnivača Likovnog salona i Umjetničke galerije u Doboju. Radio je i kao dizajner namještaja od 1992. do 2000. godine. Učesnik i autor preko pedeset kolektivnih i trideset samostalnih izložbi, kod nas i u inostranstvu. Dobitnik brojnih priznanja u BiH i međunarodnih nagrada. Član Udruženja likovnih i primjenjenih umjetnika RS, Udruženja likovnih umjetnika BiH i član Međunarodne akademije za keramiku AISA.

Realizovao je trideset spomenika i petnaest skulptura postavljenih na javnim mjestima. Njegove spomenike u parkovima grada Doboja ni bujični val u polavama 2014. godine nije uništio. Razina vode je bila preko 3 metra, nakon povlačenja vodene stihije spomenici su ostali postojani kao svojevrsan simbol umjetnosti koja je jača od svake pošasti. Od 2014. godine Drago Handanović u saradnji sa dobojskim Muzejom radi i restauraciju praiistorijskih keramičkih posuda od pečene gline. Od 2015. godine aktivno je uključen u projekt „Naš Centar- Naša djeca“. Cilj je opremanje i uspostavljanje programskih aktivnosti namjenjenih djeci i omladini sa smetnjama u razvoju. Iz njegovih aktivnosti nastale su različite likovno kreativne radionice iz kojih će se izroditi „Grnčarska radionica za primjenjenu umjetnost“.



Grnčarska radionica za primjenjenu umjetnost:

GRNČARSTVO JE STARO KOLIKO I ČOVJEČANSTVO.

O keramici možemo govoriti kao o prvoj primjenjenoj likovnoj umjetnosti. Dodirom ruku glina se oblikuje i poprima formu proizašlu iz potrebe, ukrašava se motivima iz svakodnevnog života i fantazije stvaraoaca. Upravo ovo bio je razlog za odabir grnčarske radionice, jer kroz oblikovanje gline djeca i mladi sa smetnjama razvoju dobili su mogućnost stvaranja predmeta za svakodnevnu upotrebu koji su obogaćeni njihovom maštom i kreativnošću. Zahvaljujući donaciji Rotary Club Hassfurt iz Njemačke i Rotary Club Doboj opremili smo našu radionicu neophodnim grnčarskim kolom na električni pogon i potrebnom glinom, koja je prefočena sa mnogo truda i ljubavi u izložbene eksponate. Izložba omogućava posjetiocima da uživaju u ljepoti radova ali i ruši stereotipe i predrasude. Izloženi predmeti pokazuju da osobe sa poteškoćama u psihičkom i fizičkom rastu i razvoju itekako mogu ravnopravno i aktivno da učestvuju u društvenom životu. Slika

U dobro opremljenoj radionici nastali su radovi oblikovani na grnčarskom kolu, ukrašeni ornamentima i kanelirima. Stvorene su i manje skulpture i druge forme obrađene rukom. Upotrebni predmeti predstavljaju spoj starog zanata grnčarstva, dječije kreativnosti, mašte, ljubavi i želje da svaki predmet bude drugačiji i neponovljiv. Vajarskim postupkom realizovano je osam dekorativnih panoa. Modelovani geometrijski oblici slobodnom rukom predstavljaju čiste estetske oblike. Najbrojniji radovi „Nastambe“ su u stvari skulpture. Nakon oblikovanja i sušenja predmeta djeca su imala priliku da prisustvuju pripremi ognjišta i pečenju keramike na otvorenoj vatri. Patiniranje užarenih predmeta predstavlja prizor posebnog stvaranja, gdje vatra i dim uzrokuju posebne efekte.





U želji premošćavanja barijere između svijeta taktilnosti i vizuelnosti predstavljamo radove čija je autorica Nataša Arsenović (rođena 02.januara 1990.godine). Izložba daje mogućnost posjetitelju da koristeći naočale sa tamnim staklima prepusti se taktilnom doživljaju njenih umjetničkih djela. Nataša je slijepa osoba, iako sama uskraćena za čulo vida ona stvara predmete na grnčarskom kolu i skulpture koje plijene svojom ljepotom i osobenošću.







Rotary Club Hassfurt

Rotary Club Doboj i Rotary Club Hassfurt iz Njemačke realizovali su projekt čija je vrijednost 20.000 KM, namjenjen opremanju Fondacije Centar za djecu i omladinu sa smetnjama u razvoju Doboj.

Projektom je opremljen:

„Kabinet fizioterapije“ sa ležajem za vertikalizaciju koji pomoću elektromotora pacijenta dovodi u skoro vertikalizovan položaj. Ovo je značajna pomoć u tretmanima i rehabilitaciji osoba koje koriste invalidska kolica.

„Kabineta za informatiku“ koji omogućava obuku za korištenje informatičke tehnologije, rad na računarima za djecu i omladinu. Predstavlja veoma važan segment edukacije u Dnevnom centru jer pristup novim tehnologijama osobama sa invaliditetom omogućava kvalitetniju komunikaciju i dodatno poboljšava savladavanje korištenja računara kod učenika sa posebnim potrebama kojih u dobojskim osnovnim i srednjim školama ima 93.

„Kabineta za likovno –kreativni rad“- Nabavka grnčarskog kola na električni pogon kao i određenu količinu gline neophodne za rad u radionicama koje vodi akademski keramičar Drago Handanović i njihov kontinuitet u 2017.godini.

„Kutak za djecu Doboj“-Nabavka knjiga, slikovnica, edukativnih i didaktičkih igračaka , pribor za likovno, muzičko i kreativno izražavanje i rad djece.

Dnevni centar u Doboju jedini u Bosni i Hercegovini ima program socijalne inkluzije i integracije za predškolsku djecu . Program je nastao kroz projekat UNICEF-a BiH , humanitarne organizacije World Vision BiH i Udruženja za pomoć djeci sa posebnim potrebama. Program je na dnevno bazi i ima 91 dijete uzrastu od 3 do 7 godina. Cilj programa je da djeca sa poteškoćama i smetnjama u psihičkom i fizičkom rastu i razvoju zajedno sa vršnjacima koji imaju tipičan razvoj pripremaju se za inkluzivnu nastavu u osnovnoj školi. Klima uređaji - Nabavka klima uređaja sa filterom za prečišćavanje zraka omogućava kvalitetan boravak i rad djece i mladih. Postavljeni su u prostorijam za Dnevni boravak i u opremljenom Logopedskom kabinetu.





Fondacija „Centar za djecu i omladinu sa smetnjama u razvoju“ – Doboj



Fondacija „Centar za djecu i omladinu sa smetnjama u razvoju“ – Doboj
Ulica Kneginje Milice bb, 74000 Doboj +387 53 231 902,
E-mail: Fondacija.centar_za_djecu@hotmail.com

Fondacija „Centar za djecu i omladinu sa smetnjama u razvoju“ – Doboj osnovana je na osnovu Odluke SO-e Doboj donesene 03.07.2012. godine.

Fondacija zapošljava tim stručnih radnika: fizioterapeut, logoped, socijalni radnik, psiholog, pedagog i medicinska sestra.

Saradnje se ostvaruje sa institucijama i nevladinim organizacijama koje u svom opisu posla rade sa djecom i mladima u cilju što kvalitetnije i raznovrsnije realizacije naših programskih sadržaja. Slika Osnovni cilj Centra je pružanje pomoći i usluga djeci i mladima sa smetnjama u razvoju kroz organizaciju: radionica, pomoći u rehabilitaciji i tretmanu, pomoć u učenju, sportsko-rekreativne aktivnosti, savjetodavni rad, psihološke radionice, podrška jačanju kapaciteta predškolskih ustanova, likovno-kreativne radionice, zabavni sadržaji, podrška roditeljima i drugo. Sve ovo se radi sa ciljem poboljšanja života naših korisnika i njihovih porodica. Naš krajnji cilj je izgradnja inkluzivnog društva i uspješna socijalna integracija

**Umjetnički voditelj grnčarskih radionica za primjenjenu umjetnost
i autor postavke Izložbe: Drago Handanović**

Autor kataloga: Rotary Club Doboj - Idejni tvorac: Sanja Živković

Tehnička i grafička obrada kataloga: Vladimir Božić

Podrška izložbe:



Центар
за културу
и образовање
Добој



Fondacija „Centar za djecu i omladinu
sa smetnjama u razvoju“ – Doboj

FOTO ZUN!C

OKA REKLAME

Rotary International
District 1910
RC Doboј



RC Doboј, Ul. Kralja Dragutina
74 000 Doboј, BiH.
E-mail: rotaryclubdoboј@gmail.com
www.rc-doboј.org



www.facebook.com/rotaractdoboј